

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԺՈՂՈՎԸ

Մարտի 23-ին տեղի ունեցավ Հայկական ՍՍՌ Գիտությունների ակադեմիայի տարեկան ժողովը: Ժողովը բացվեց Հայկական ՍՍՌ ԳԱ պրեզիդենտ, ակադեմիկոս Վ. Հ. Համբարձումյանի ներածական խոսքով:

ԱԿԱԴԵՄԻԱՅԻ ՊՐԵԶԻԴԵՆՏ Վ. Հ. ՀԱՄԲԱՐԶՈՒՄՅԱՆԻ ՆԵՐԱԾԱԿԱՆ ԽՈՍՔԻՑ.

Պրեզիդենտը նշեց, որ հաշվետու տարին նշանավորվում է կարևորագույն պատմական երևույթներով: Սովետական Միության Կոմունիստական պարտիայի XXII համագումարը բնութեկց ՍՄԿՊ նոր Ծրագիր, մեր երկրում կոմունիզմի կառուցման կոնկրետ նախագծումներ: Սովետական գիտության և տեխնիկայի հսկայական հաջողությունները հնարավոր դարձրին տիեզերքի նվաճումը սովետական մարդու կողմից: Դանքսնքն տարիներ,—ասում է բնկ. Վ. Հ. Համբարձումյանը,—բայց Սովետական Միության կառավարության դեկավար Ն. Ս. Խրուշչովի ջերմ հանդիպումը և զրույցը Հայաստանի գիտնականների հետ միշտ կհիշվի մեր Ակադեմիայի տարեգրության մեջ, որպես ժողովրդի և կուսակցության կողմից դեպի գիտությունը ուղարկության մեծ նշան: Ն. Ս. Խրուշչովը կարևոր խորհուրդներ տվեց մեզ, մանավանդ գիտության կազմակերպման վերաբերյալ:

Վերջերս մեր Ակադեմիան այցելեց և Հայաստանի մի խումբ գիտնականների հետ զրույց ունեցավ նաև ՍՍՌՄ Մինիստրների Սովետի նախագահի տեղակալ բնկեր Անաստաս Միկոյանը:

Որքան ուրախացանք մենք, երբ նա հաղորդեց մեզ բնկեր Խրուշչովի տպավորությունները Հայաստանի գիտնականների աշխատանքի մասին: Մասնավորապես հաճելի է նրա այն տպավորությունը, որ մեր գիտական աշխատողների զգալի մասը համառորեն աշխատում է ժողովրդատնտեսական խոշոր նշանակություն ունեցող խնդիրների լուծման վրա, ձգտում է Հայաստանի հետագա ինդուստրիալ վերելքը ապահովել համապատասխան գիտատեխնիկական բազայով:

Անցած տարվա բնթացքում նրան այցելեց և Հայաստանի գիտական հիմնարկների հետ ծանոթացավ ՍՍՌՄ Գիտությունների ակադեմիայի պրեզիդենտ, ակադեմիկոս Մ. Վ. Կելդիշը, որին մենք պարտական ենք բազմաթիվ խորհուրդների և գիտությունների համար: Այնուհետև ակադեմիկոս Վ. Հ. Համբարձումյանն արձանագրեց, որ 1961 թ. Ակադեմիայի գիտական հիմնարկները իրենց գիտական գործունեության բնագավառում ձեռք բերեցին մի շարք լուրջ նվաճումներ՝ սկսած ճշգրիտ գիտություններից վերջացրած հասարակական գիտություններով:

Մեր գիտական հիմնարկները լայնորեն ու հաճախ մեծ հաջողությամբ մասնակցում են համամիութենական մի շարք կարևորագույն ուղղությունների

ու պրորլեմների լուծմանը՝ մեծ մասամբ պահպանելով իրենց դիտական ինքնուրույնությունը, շկրկնելով միության ուրիշ հիմնարկներին, Միենույն ժամանակ շատ կարևոր է, որ լինի կոորդինացում, որ մենք միասին և կապակցված կերպով աշխատենք, բայց միևնույն ժամանակ պահպանենք մեռ ուրույն տեղը գիտության մեջ:

Կատարված գիտական աշխատանքների մի մասը ունի կարևոր նշանակություն մեր Սովետական Հայաստանի ժողովրդական տնտեսության համար: Մեկ տարվա ընթացքում կազմակերպվեցին մի քանի նոր գիտական հիմնարկներ, այդ թվում՝ Լենինականում ստեղծված Գեոֆիզիկայի և ինժեներային սեյսմոլոգիայի ինստիտուտը, որը ղեկավարում է ակադեմիկոս Ա. Ի. Նազարովը:

Ինչպես դուք լավ գիտեք Սովետական Հայաստանի ապագան արդյունաբերության զարգացման մեջ է: Բնակչության արագ աճը թելադրում է մեզ ապահովել արդյունաբերության շատ արագ տեմպեր:

Հեղ Կենտրոնական Կոմիտեն ճիշտ է նախատեսում, ու՛ր անհրաժեշտ է առաջիկա 20-ամյակում ապահովել արտադրանքի ավելի մեծ զարգացում: Հայաստանում արտադրանքի աճի այդպիսի տեմպերի իրականացումը պահանջում է ժողովրդի բոլոր ուժերի լարում: Ուստի մեր գիտական աշխատողները պետք է ամեն կերպ աջակցեն արտադրական ուժերի զարգացմանը, գլխավորեն ոչ միայն տեխնիկական պրոգրեսը, այլև առաջ քաշեն ու լուծեն նոր տեխնիկական խնդիրներ, թափանցեն ժողովրդական տնտեսության բոլոր խնդիրների մեջ: Պետք է սակայն խոստովանել, որ գիտական աշխատողների միայն մի մասն է լծվել այդ աշխատանքին:

Ընկ. Համբարձումյանը նշում է Մնջոյանի, Ալեքսեևսկու, Մերգելյանի, Բունյաթյանի, Ադոնցի և ուրիշների ղեկավարությամբ աշխատող գիտական կոլեկտիվների նվաճումները, ինչպես և կոնկրետ գիտություններ և անում նրանց հետագա աշխատանքների մասին: Կանգ առնելով Ակադեմիայի գիտական կոլեկտիվներում նկատվող թերությունների վրա, ընկ. Համբարձումյանը ընդգծում է գիտության և արդյունաբերության ավելի սերտ կապի անհրաժեշտությունը, երիտասարդ գիտական կադրերի պատրաստման, նորարարության զարգացման անհրաժեշտությունը:

Ընկ. Համբարձումյանը հատուկ ուշադրություն է նվիրում առանձին ինստիտուտներում տեղ գտած թերությունների, աշխատանքային կարգապահության և այլ հարցերին: Պրեզիդենտի խոսքում հատուկ տեղ են գրավում արտադրության աշխատողների և հատկապես արդյունաբերական բանվորների փորձի, տեխնիկական նվաճումների հաշվառման, տեսական ընդհանրացման, ինչպես նաև գիտական-տեխնիկական-մասսայական գրականության հրատարակման հարցերը:

Մեր երկրի ընդերքի լավագույն հարստությունը, որի հայտնաբերման ու հետազոտման համար շատ պարտական ենք ևրկրաբաններին, դեռ չենք կարողանում լիովին ի սպաս դնել: մեր արագ զարգացող արտադրության պահանջներին: Այդ խնդրի իրադրոթումը նույնպես անսահման հեռանկարներ է բացում մեր գիտնականների առաջ:

Ընկերներ, այնպիսի տպավորություն է ստացվել, որ գիտնականների մի մասը չի լծված այդ կարևորագույն գործին: Ես կասեի, չի անհանգստանում, երբ տեսնում է իր ասպարեզի հետ մնացող երևույթները:

Վերջերս ես բախտ ունեցա այցելելու Հայաստանի հյուսիսային շրջանները, այդ թվում Գիրովական: Կիրովականում ես եղա քիմիական գործարանում: Ինչպես գիտեք արհեստական կորունդը այժմ կարևորագույն նյութ է տեխնիկական ամենաառաջավոր ճյուղերի, այսօրվա տեխնիկայի ստեղծման համար: Բայց ինչ արած, որ այդ գործով գիտնականներից ոչ ոք չի զբաղվում: Հասկանալի է, որ կան շատ լավ քիմիկոսներ, որոնք իրոք օգնում են քիմիական այդ արդյունաբերությանը, և այս դեպքում մեր պահանջներն այդ քիմիկոսներին չի ուղղված: Բայց մյուսները՝ ռադիստները, ֆիզիկոսները, դեռ անհրաժեշտ մասնակցություն չեն ցուցաբերում այդ գործում, մինչդեռ այդ գործը շատ մեծ հեռանկարներ ունի:

Խոսելով կադրերի ճիշտ ընտրության և պատրաստման ասպարեզում եղած թերությունների վերացման մասին, պրեզիդենտը ասում է, որ գիտության հիմնական շարժիչ ուժը համեմատաբար երիտասարդ կադրերն են: Խոսքն, իհարկե, դեռ բոլորովին երիտասարդներին չի վերաբերվում, այլ համեմատաբար երիտասարդներին, որոնք իրենց վրա են վերցնում հիմնական ծանրությունը և կատարում են հիմնական աշխատանքը՝ ինստիտուտներում և լաբորատորիաներում: Բայց դա լինում է հաճախ այն դեպքերում, երբ երիտասարդ կադրերն ընտրված են լինում հաջող կերպով: Ուրեմն մեզանից ամեն մեկը, մանավանդ ավագ սերնդի մարդիկ, պետք է մտածեն այն մասին, թե արդյոք երևում են մեր շուրջը տաղանդավոր երիտասարդներ, ամեն ինչ է արվում այդպիսի տաղանդավոր երիտասարդներին ընտրելու և առաջ քաշելու համար: Գիտական աշխատանքի մեջ հարկավոր է, որ խրախուսվեն դժվարությունները հաղթահարելու ընդունակ երիտասարդները, որոնք իրենք բացեն իրենց ճանապարհը, առաջ գնան ոչ միայն այն ուղղությամբ, որով գնում են ավագները, այլև պատրաստ են փնտրել նորանոր ուղիներ, չշեղվելով մեր տրադիցիաներից: Ավագ սերնդի ներկայացուցիչներից քչերը կարող են ասել, որ կարողացել են այդ խնդիրը լուծել: Իսկ այն, որ մեզ մոտ ընտրում են և մինչև անգամ ինստիտուտների աշխատանքի մեջ են ներգրավում այնպիսի մարդկանց, որոնք թույլ են գիտական տեսակետից, անընդունելի է:

Այդ թույլ գիտաշխատողները սիրում են գիտությունը, բայց գիտությունը նրանց չի սիրում: Այդ բանը երևում է մի շարք ինստիտուտների պրակտիկայից: Վերցնենք լեզվի ինստիտուտը: Դուք գիտեք, վերջերս պարզվեց, որ մթնոլորտը այնտեղ չափազանց վատառողջ է, բայց երբ քննում ես, թե ինչումն է բանը, տեսնում ես, որ կան մարդիկ, որոնց համար գիտության շահերը շատ հեռու են: Նրանք զբաղված են մեծ չափով անձնական հաշիվներով: Պետք է շատ մտածել նաև ղեկավար աշխատանքներում երիտասարդ աշխատողներին առաջ քաշելու մասին:

Գիտությունների ակադեմիայի նախագահությունը սկստք է այդ ուղղությամբ աշխատի և բոլորս պետք է համոզված լինենք, որ եթե մենք երիտասարդությանը առաջ չքաշենք (դուք այդպիսի փաստեր կտեսնեք զեկուցումից), ապա այդ ժամանակ մեր գործերը վատ կգնան, մենք կարող ենք լավ ճառեր ասել, այս ամբիոնից, բայց գործը կմնա նույն տեղում: Առաջ քաշման, կադրերի որակի բարձրացման մասին քիչ ենք մտածում, բաժանմունքների վարիչները քիչ են լինում հիմնարկներում և քիչ են հետևում սեմինարների կազմակերպմանը, քիչ են հետևում, թե ինչպես է գնում կադրերի որակի բարձրացու-

մը: Ի՞նչ են կարողում, քի՞չ են կարողում, թե շատ: Պետք է ավելի շատ կարողալու շատ ավելի, գուցե, մտածել: Պետք է նաև ազատ ժամանակ ունենալ՝ մտածելու համար:

Հինում են դեպքեր, երբ երիտասարդներին այնպես ենք լծում, որ նրանք բոլորովին ժամանակ չեն ունենում ինքնուրույն ստեղծագործական ու գիտական աշխատանքով զբաղվելու համար: Նրանք ծանրաբեռնվում են առավելապես լաբորատոր աշխատանքով:

Մենք դեռ չենք հասել այն բանին, որ մեր Ակադեմիայի հիմնարկներում լինի հսկական աշխատանքային կարգապահություն:

Հասկանալի աշխատանքի պայմանների և շենքերի մասին, պրեզիդենտն ընդգծում է, որ Ակադեմիան շատ խոշոր թերություններ ունի կապիտալ շինարարության դժուր: Մեր ռեսպուբլիկայի կապիտալ շինարարության բնագավառում Գիտությունների ակադեմիան գտնվում է վերջին տեղում: Միևուրբության միևստրությունը ամենավերջին ուշադրությունը նվիրում է գիտական օբյեկտների կառուցմանը: Հաշվետու տարվա ընթացքում նման աշխատանքների միայն 45 տոկոսն է կատարված, իսկ դա նշանակում է, որ մեզ մոտ ստացվել է անտանելի դրություն, մենք ունենք որոշ պլաններ, այդ պլանների համաձայն մենք հավաքագրում ենք մարդիկ, պատրաստում ենք նրանց և պետք է ապահովենք աշխատանքի տեղով, իսկ ստացվում է, որ այդ տեղը անբավարար է: Հիմա, եթե ասենք, ձգձգվում է Օրգանական քիմիայի կամ Երկրաբանական ինստիտուտի համարյա պատրաստի շենքի շահագործումը, ապա մենք չենք կարող սկսել մեր մյուս օբյեկտների շինարարությունը և 7-ամյակի իրականացումը այդ տեսակետից կտուժի:

Մենք քիչ ենք մտածում կարևոր, հանրամատչելի գրականություն ստեղծելու մասին, Ակադեմիան քիչ է հրատարակում համապատասխան գրքեր, քիչ է կապը Ակադեմիայի գիտնականների և ժողովրդի միջև: Կիրովսկանի ավտոմատիկայի գործարանում հիանալի երիտասարդներ կան, Այնտեղ—բոլորը տասնամյա կրթություն ունեն, երբ մարդ նայում է նրանց դեմքին, տեսնում է, ԲԷ Ինպես են նրանք աշխատում, մարդ ուղղակի ոգևորվում է: Ես նրանց տեսնելով ոգևորվեցի, ուրախացա, որ կան այդպիսի հիանալի երիտասարդներ և հիանալի աղջիկներ: Հարցրեցի ես դիրեկտորին, լա՞վ են աշխատում, ի՞նչ գրականություն եք տալիս նրանց, որ բարձրացնեն իրենց մակարդակը. դիտեք, ասում է, գրականություն չկա: Եվ նա ճիշտ է ասում, որովհետև, իրոք այդպիսի գրքեր, մանավանդ հայերեն լեզվով համապատասխան գրականություն, չկա: Մենք բանվորին տեխնիկական գրականություն չենք տալիս, մանավանդ իրենց մասնագիտության վերաբերյալ, չենք գրում այդպիսի գրքեր: Գործարանի ինժեներներն էլ կարող են գրել, մեր գիտնականներն էլ կարող են մեծ դեր խաղալ այդ գործում, մինչդեռ դա չի արվում իհարկե դա ոչ միայն Ակադեմիայի, այլև մեր ամբողջ ինտելիգենցիայի գործն է: Օրինակ, կարելի է ստեղծել ամենամատչելի գիտատեխնիկական ամսագիր, եկեք այդ գործը կազմակերպենք հենց մենք ինքներս: Եկեք մեր ժողովներից մեկը փակենք և դրա փոխարեն հանրամատչելի «Գիտություն և տեխնիկա» ամսագիր ստեղծենք:

Պետք է որպես լավ օրինակ նշել մեր Ատլասի ստեղծումը: Դա հանրամատչելի, բայց բարձր տիպի հրատարակություն է:

Ժողովուրդը առաջ է ընթանում, ժողովրդի մակարդակը բարձրացել է, նվաճական է, որ նա պահանջում է ոչ թե սովորական, քիչ ինֆորմացիա պարունակող նյութ, այլ նյութով հագեցված գրքեր։ Այդ պատճառով էլ օրինակ մեր Ատլասն ունեցավ հսկայական հաջողություն։

Պետք է ուժեղացնել կապը ամբողջ միության գիտնականների հետ։ Ծիշտ է մեր կոորդինացնող հիմնարկները գտնվում են կանոնավոր կապի մեջ, ինչպես Սովետական Միությունում, այնպես էլ Հայաստանում, և կարծում եմ, որ այդ հիմնարկների ստեղծումը կուժեղացնի մեր կապերը միության մյուս գիտական հիմնարկների հետ։ Բայց դրան զուգընթաց պետք է զարգացնել ու ամրացնել մեր ստեղծագործական, անմիջական կապերը։

Նկեք ընկերներ մեր ամբողջ ուժերով աշխատենք հանուն XXII համադոմարի որոշումների կենսագործման և մեր բաժինը ներդնենք Սովետական Միության եղբայրական ընտանիքի մյուս ժողովուրդների ծավալած մեծ ու հերոսական պայքարում։

Թույլ տվեք մեր Ակադեմիայի ընդհանուր ժողովի սեսիան հայտարարել բացված և առաջին զեկուցման համար ձայնը տալ Գիտությունների ակադեմիային ակադեմիկոս քարտուղար ընկեր Մկրտչյանին։

ԱԿԱԴԵՄԻԿՈՍ ՔԱՐՏՈՒՂԱՐ ԸՆԿ. ՄԿՐՏՉՅԱՆԻ ԶԵԿՈՒՑՈՒՄԻՑ

Գիտության և գիտնականների նկատմամբ Կոմունիստական պարտիայի և Սովետական կառավարության հարաճուն հոգատարության վառ արտահայտությունը հանդիսացավ ՍՄԿՊ Կենտկոմի և ՍՍՌՄ Մինիստրների Սովետի 1961 թ. ապրիլի 3-ի ընդունած որոշումը՝ «Ներկրում գիտա-հետազոտական աշխատանքների կոորդինացման բարելավման միջոցառումների և ՍՍՌՄ Գիտությունների ակադեմիայի դործունեության մասին», որը բոլոր գիտական աշխատողների կողմից ընդունվեց ջերմորեն, — ասում է ակադեմիկոս ընկ. Մկրտչյանը։

Սովետական երկիրը այժմ քայլում է համաշխարհային գիտա-տեխնիկական առաջընթացի ավանգարդում, աստիճանաբար գրավելով նորանոր առաջավոր դիրքեր գիտության և տեխնիկայի բոլոր վճռական բնագավառներում։

Հաշվետու տարում խոշոր հաջողություններ ձեռք բերեցին նաև Հայաստանի գիտական աշխատողները, որոնք հաջողությամբ մուծում են իրենց ավանդը մեր երկրում կոմունիզմի կառուցման գործում։ Կենսագործելով ՍՄԿՊ XXII համադոմարի որոշումները Հայկական ՍՍՌ Գիտությունների ակադեմիան, ռեսպուբլիկայի ժողովրդական տնտեսության տեմպերին համապատասխան, գիտության տարրեր ձյուղերում, կարևոր խնդիրների լուծման ուղղությամբ հաշվետու տարում հասել է մեծ հաջողությունների։

Ոգեշնչված Կոմունիստական պարտիայի և Սովետական կառավարության հոգատարությամբ, Հայկական ՍՍՌ Գիտությունների ակադեմիայի հիմնարկները, ռեսպուբլիկայի գիտական աշխատողները վերցրեցին նոր սոցիալիստական պարտավորություններ ՍՄԿՊ XXII համադոմարը արժանավալել, դիմավորելու համար։ Ակադեմիայի բոլոր հիմնարկների գիտա-հետազոտական պլանները ավելի մոտեցվեցին կյանքին, պրակտիկային, ժողովրդական տնտեսության կարիքներին։

Ակադեմիայում ստեղծվեցին մի շարք նոր բաժիններ, լաբորատորիաներ, ինստիտուտներ: Այսպես՝ Բիոքիմիայի սեկտորի բաղադրյալ վրա կազմակերպվեց Բիոքիմիայի ինստիտուտը, իսկ Միկրոբիոլոգիայի սեկտորը վերածվեց Միկրոբիոլոգիայի ինստիտուտի, Հենինականում ստեղծվեց Գեոֆիզիկայի և ինժեներային սեյսմոլոգիայի ինստիտուտ, Աշտարակում՝ Ռադիոֆիզիկայի և էլեկտրոնիկայի ինստիտուտ: Լուրջ փոփոխություն մտցվեց Սրտաբանության ինստիտուտի կառուցվածքի մեջ, որը վերածվեց Սրտաբանության և սրտի վիրաբուժության ինստիտուտի: 1961 թ. կազմակերպական շրջան հանդիսացավ նաև Ֆիզիկա-տեխնիկական լաբորատորիայի համար: Կատարված վերափոխումների շնորհիվ լրիվ կերպով բնորոշվեց և էներգետիկայի և Ջրային պրոբլեմների ինստիտուտների գեմքերը, որոշակիություն տրվեց նրանց աշխատանքին:

1961 թ. Ակադեմիայի 34 հիմնարկներում մշակվեցին 108 պրոբլեմ, 649 թեմա: Պրոբլեմների և թեմաների վերջին շրջան թվից 30-ը կոորդինացվում էին ՍՍՌՄ Գիտությունների ակադեմիայի կողմից, իսկ 18-ը՝ ՍՍՌՄ Մինիստրների Սովետի Գիտա-հետազոտական աշխատանքների կոորդինացման պետական կոմիտեի կողմից: 102 թեմա կատարվել են գիրքերով օրգանների հանձնարարությամբ: Ինչպես նախորդ տարիներին այնպես էլ հաշվետու տարում հատուկ ուշադրություն է դարձվել մի շարք ուղղությունների՝ ինչպես օրինակ, ֆիզիկա-մաթեմատիկական, Երկրաբանական, տեխնիկական և քիմիական գիտությունների հետագա զարգացման վրա, որոնց առաջընթացը ակտիվ ներգործել է ժողովրդական տնտեսության մեջ տեխնիկայի կատարելագործմանը: Հետագա զարգացում են ստացել կենսաբանական, բժշկական և հասարակական գիտությունների բնագավառում կատարված հետազոտությունները: Բոլոր բնագավառների գծով ավարտվել է 242 թեմա:

Ընկ. Մկրտչյանը նշում է, որ՝ Ֆիզիկա-մաթեմատիկական գիտությունների բաժանմունքի հիմնարկներում ձեռք են բերված նոր արդյունքներ մաթեմատիկայի, մեխանիկայի, ֆիզիկայի, աստղագիտության, ռադիոֆիզիկայի, հաշվողական մաթեմատիկայի բնագավառներում:

Մաթեմատիկայի և մեխանիկայի ինստիտուտում շարունակվել են հետազոտությունները կոմպլեքս և իրական տիրույթներում ֆունկցիաների տեսություն, ֆունկցիոնալ անալիզի և մաթեմատիկական ֆիզիկայի եզրային խնդիրների ուղղությամբ: Առանձնապես պետք է նշել ՀՍՍՌ ԳԱ ակադեմիկոս Մ. Մ. Ջրբաշյանի հետազոտությունները կոմպլեքս տիրույթում մերոմորֆ կամ ռացիոնալ ֆունկցիաներով մոտարկելու ասպարատի կառուցման ուղղությամբ: Լրիվ բնութագրված է այն ֆունկցիաների դասը, որոնք կարելի է միջին իմաստով մոտարկել Մյունցի սխեմայի գծային կոմբինացիաներով:

Հետաքրքրական աշխատանքներ են կատարված օրթոգոնալ շարքերի վերաբերյալ: Լրիվ կառուցված են քվադրատիկ ֆունկցիաների համար Թեյլորի տիպի վերացման ասպարատ: Կատարված է հետաքրքիր ուսումնասիրություն ամբողջ ֆունկցիաներով կամայական կորերի վրա անընդհատ ֆունկցիաների մոտարկման վերաբերյալ:

Շարունակվել են հետազոտությունները սողալի ոչ գծային տեսության կոնտակտային խնդիրների լուծման ուղղությամբ: Սողալի կլասիկ տեսության և անիզոտրոպ շերտավոր սալերի և թաղանթների ոչ գծային դինամիկ խնդիրների ուղղությամբ լույս է տեսել ՀՍՍՌ ԳԱ թղթակից-անդամ Ս. Համբարձումյանի «Անիզոտրոպ թաղանթների տեսություն» մոնոգրաֆիան: Ինստիտուտում

ստացված արդյունքներից շատերը ունեն դիտական մեծ նշանակություն, օրիգինալ են իրենց բովանդակությամբ: Հիշյալ բնագավառներում կատարած հետազոտություններով ինստիտուտը ստեղծել է հատուկ ուղղություն գիտության մեջ և ունի իր սեփական դեմքը:

1960 թ. վերջում Ռադիոաստղագիտության և Ռադիոֆիզիկայի մեթոդների բաժինները նոր կազմակերպված Ռադիոֆիզիկայի և էլեկտրոնիկայի ինստիտուտին անցնելուց հետո, հաշվետու տարում Բյուրականի աստղագիտության միջինական ուղղությունը կենտրոնացվեց օպտիկական աստղագիտության դժուր հետազոտությունների վրա: Հաշվետու ժամանակաշրջանի կարևորագույն իրադարձությունը եղավ Սոֆիայի սիստեմի մետրանոց աստղագիտակի շարք մտնելը, որը լուրջ նշանակություն ունի Սովետական աստղագիտության տեխնիկական զինման տեսակետից:

Բնչալես հայտնի է հեռագիտակի հանդիսավոր բացումը տեղի ունեցավ Հայաստանում սովետական կարգերի հաստատման 40-ամյակին նվիրված տոնակատարության օրերին և իրագործվեց ՍՄԿԿ Կենտկոմի առաջին քարտուղար, ՍՍՌՄ Մինիստրների Սովետի նախագահ Ն. Ս. Խրուշչովի կողմից:

Հաշվետու տարում դիտական հետազոտությունները աստղագիտության միջինական կողմում էին արտագաղափարական, անկայուն աստղեր և գալակտիկ միգամածություններ պրոբլեմների դժուր:

Կարևոր նշանակություն ունեն գալակտիկաների էվոլյուցիոն զարգացման մեջ նրանց միջուկների դերի բացահայտման, ինչպես նաև գալակտիկաների էիստեմների և կուլտերի անկայունության վերաբերյալ ստացված նոր արդյունքները:

Դիտողական աշխատանքներից արժեքավոր են գալակտիկաների գունաչափությունը նվիրված հետազոտությունները, որոնք հիմք են ծառայել նրանց մեջ աստղային տարրերի տիպերի բնակչության և աստղային ու միջաստղային նյութի բաշխման վերաբերյալ մի շարք եզրակացությունների համար:

Չափազանց կարևոր է նախկինում ստացված և խորը կոսմոգոնիկ նշանակություն ունեցող այն եզրակացության հաստատումը (նոր, այդ թվում մետրանոց դիտակով ստացված լուսանկարների հիման վրա), որի համաձայն Քնարի համաստեղության մեջ զիտվում է սպիտակ թղուկ աստղերի մի ֆիզիկական խմբավորում:

Մի շարք հետաքրքիր արդյունքներ են ստացված 1960 թ. բռնկված Հասսելի նոր աստղի, որոշ անկայուն աստղերի, բեռացված լուսարձակում ունեցող միգամածությունների, միգամածություններում կայման ալֆա քվանտների ճեղքման նոր մեխանիզմի, մոլորակաձև միգամածությունների ձևի վրա նրանց մագնիսական դաշտի ազդեցության, աստղասփյուռների լայնացման և այլ հարցերի վերաբերյալ: Աստղագիտության մեջ ստացված արդյունքները ստացան էլ ավելի լայն ճանաչում համաշխարհային գիտության մեջ:

Հաշվողական կենտրոնում ավարտվեցին նոր, հզոր էլեկտրոնային հաշվիչ մեքենայի տեղակայման և մոնտաժի, ինչպես նաև մեքենայի կատարելագործման ուղղությամբ տարվող աշխատանքները: Շարունակում են աշխատանքները էլեկտրոնային արագագործ մեքենայի միջոցով մաթեմատիկական և կիրառական խնդիրների լուծման ուղղությամբ: Լուծվել են մի շարք խնդիրներ Միոթենական և Ռեսպուբլիկական զանազան հիմնարկների պատվերներով:

Հաջողությամբ ընթանում են աշխատանքները կիրենեոիկայի, մասնավորաբար, մեքենայական թարգմանության բնագավառում:

Ֆիզիկայի ինստիտուտում կատարվել են հետազոտություններ բարձր էներգիայի մասնիկների ֆիզիկայի ասպարեզում: Այդ հետազոտությունները կատարվել են կոսմիկական ճառագայթների վրա նոր Համբերդի և Արագածի բարձր լեռնային կայանների սարքավորումների միջոցով, ինչպես նաև օգտագործելով սովետական արւսնյակ նավերի և ժնեի պրոտոնային արագացուցիչի վրա ճառագայթված ֆոտոէմուլսիաները: Միաժամանակ ինստիտուտը Մոսկվայում և Դուրնայում գործող արագացուցիչների վրա կատարել է հետազոտություններ՝ տարօրինակ մասնիկների հատկությունների վերաբերյալ:

Ստացված են նաև նոր արդյունքներ ատոմային միջուկների կառուցվածքի և նյութի մեջ լիցքավորված մասնիկների ճառագայթման մասին:

Անցած տարի ինստիտուտի հիմնական գիտական և գիտատեխնիկական ջանքերը ուղղված են եղել հիմնարկանոց էլեկտրոնային օղակային արագացուցիչի կառուցմանը:

Այնուհետև զեկուցողը նշում է Տեխնիկական գիտությունների բաժանմունքի հիմնարկների ձևեր բերած նվաճումները:

Երկրաբանական գիտությունների ինստիտուտում ուսումնասիրվել են Հայաստանի պղինձ-մոլիբդենային, կոլչեղանային և բազմամետաղային հանքանյութերում հազվագյուտ և ցրված տարրերի բաշխման օրինաչափությունները, հայտնաբերվել են նոր հազվագյուտ միներալներ: Ավարտվել են Ալավերդու պղնձա-քիմիական կոմբինատի անոդային շլամներից սելենի և թելուրի կորզման կիսարդյունաբերական փորձարկումները. ստացվել է ապրանքային արտադրանք:

Հիդրոգեոքիմիական, լեռնային ապարների մերձհանքային փոփոխությունների, տարրերի ցրման առաջնային եզրապսակների ուսումնասիրությունների հիման վրա հաջողությամբ մշակվել են Ալավերդու հանքային շրջանում «կույր» հանքամարմինների որոնման մեթոդները:

Ուսումնասիրվել են Մեղրու մագմատիկական ղանգվածի միներալոգիական կազմը և գեոքիմիական, մագմատիզմի և հանքաբերության փոխադարձ կապի հարցերը:

Ընդհանրացվել են ռեսուրսիկայի գլխավոր հանքաբեր ինտրուզիվ ղանգավածների բացարձակ ժամանակագրության ուսումնասիրությունների արդյունքները. ճշտվել է առանձին ղանգվածների բացարձակ հասակը:

Ընդհանրացվել են ռեսուրսիկայի հարավ-արևմտյան շրջաններում նավթագազաբերության հեռանկարների պարզաբանման ուղղությամբ կատարված հետազոտությունների նյութերը, նշվել է որոնողական ու հետախուզական աշխատանքների հետագա ուղղությունը:

Ուսումնասիրվել են Ղարաբաղի և Գեղամա բարձրալանդակների նորագույն հրաբխային առաջացումները:

Ավարտվել է լանջերի սողի տեսությանը նվիրված հետազոտությունների մի ցիկլը:

Հրատարակվել է Հայկական ՍՍՌ Ատլասը:

Սկսվել է Զանգեզուրի շօղտագործվող հողերի ուսումնասիրությունը. նրանց տնտեսական գնահատման նպատակով:

Անցյալ տարի հրատարակության են հանձնվել «Հայկական ՍՍՌ երկրաբանությունը» վեցհատորյակի առաջին՝ «Գեոմորֆոլոգիա» և երկրորդ՝ «Ստրատիգրաֆիա» հատորները:

Օրգանական քիմիայի ինստիտուտում ամինոմիացությունների և ալցատիլենի ածանցյալների ասպարեզում տարված ուսումնասիրությունները բերել են մի շարք նոր օրինաչափությունների հայտնագործման և տեսական հիմունքների զգալի ընդարձակման:

Բացահայտված նոր օրինաչափությունների հիման վրա մշակված են մի շարք կարևոր քիմիական նյութերի՝ մոնոմերների, քաղախաթթվական ալդեհիդի, պլաստիֆիկատորների, լուծիչների, թունանյութերի սինթեզման նոր եղանակներ:

1961 թ. հաջողությամբ ավարտվեցին պլուգատնետեսության վնասատու՝ դադի դեմ ինստիտուտի կողմից առաջարկված նոր թունանյութերի դաշտային փորձարկումները՝ 67 հեկտար տարածության վրա:

Զգալի նվաճումներ են ձևեր բերված ցիկլիկ պոլիմերացման տեսության ասպարեզում: Մշակված է պոլիվինիլացետատների՝ վերին աստիճանի կարևոր, թանկարժեք ու զեֆիրիտային խեժերի ստացման սկզբունքներն նոր եղանակ: Հատուկ ուշադրության առարկա է ջերմակայուն պոլիմերների ստացումը. այս ուղղությամբ ձեռք են բերվել առաջին հաջողությունները—սինթեզված է 400 աստիճան ջերմակայուն մի նոր պոլիմեր:

Քիմիական տեխնոլոգիայի ասպարեզում տարվող աշխատանքները բերին երկֆազ հոսանքի մի քանի կարևոր օրինաչափությունների հայտնագործման, որոնց հիման վրա արվեցին պրակտիկ հետազոտություններ: Գտնվեց պնեմատիկ տրանսպորտի նոր եղանակ, որով լուծվեց փոշենման ու հատիկավոր նյութերը մի կետից, կենտրոնացված ձևով, բաղմամբով ընդունարանների մեջ բաշխելու հարցը: Ներկայումս ինստիտուտի օգնությամբ Միության մի շարք գործարաններ նախագծական աշխատանքներ են տանում այդ եղանակի լայն ներդրման համար:

Էներգետիկայի ինստիտուտը անց է կացրել արժեքավոր հետազոտություններ ընդհանուր էներգետիկայի, հեռանկարային էներգետիկայի, էլեկտրաէներգետիկայի բնագավառներում, ինչպես և հաշվարկման միջոցների ու էներգասխտեմների ռեժիմների կառավարման ուղղությամբ:

Մշակված է բաղմարեկեռիկների պարամետրների տեսությունը և հաշվարկման մեթոդները, որի ժամանակ բաղմարեկեռիկը իրենից ներկայացնում է ցանկացած բարդության և կազմության էլեկտրական սխեմա: Կառուցված է էլեկտրական համակարգի մաթեմատիկական մոդել, որի օգնությամբ ստացվում է հաշվարկների բարձր ճշտությունը: Մշակված է հիդրո և ջերմային էլեկտրակայաններ պարունակող էլեկտրասխտեմների խնայողական ռեժիմների կառավարման տեսությունը:

Ջրային պրոբլեմների ինստիտուտը հաշվետու ժամանակաշրջանում զբաղվել է մոնոմոլեկուլյար թաղանթների օգնությամբ ջրային ռեսուրսների օգտագործման էֆեկտիվությունը բարձրացնելու պրոբլեմով: Սեանի ափին գտնվող

Արտանիշ լճի վրա (40 հեկտար մակերեսով) կատարված նախնական հետազոտությունները ցույց են տալիս, որ հնարավոր կլինի ջրամբարներից և լճերից տեղի ունեցող զոլորշացումը կրճատել 15—25%-ով:

Մշակված է բարձր լեռնային լճերի և ջրամբարների ջերմային ռեժիմի սեսուլյունը, որը հնարավորություն կտա ղեկավարել նրանցից տեղի ունեցող զոլորշիացման պրոցեսը:

Կատարված են հիդրոտուրբինայի, գեներատորի և հիդրոկայանի կանոնավորման սխեման անցման պրոցեսների տեսական հետազոտություններ՝ կայունության հաշվարկի և կանոնավորման որակի բարձրացման համար: Հետազոտման արդյունքները ամփոփված են առանձին մենագրության մեջ:

Զեկուցումը բացահայտում է նաև Կենսաբանական գիտությունների բաժանմունքի հիմնարկներում կատարված մեծ աշխատանքները:

Նուրբ օրգանական բիմիայի ինստիտուտը 1961 թվականին շարունակել է մշակել «Բնական և բիոլոգիական ակտիվ միացությունների փմիան» պրոբլեմը: Մի շարք նոր տվյալներ են ստացվել օրգանական միացությունների կառուցվածքի և նրանց միջև եղած կապերի պարզաբանման բնագավառում:

Ինստիտուտը ստեղծել է վիրահատությանը, թորախտին, կոկերով հարուցվող հիվանդություններին, ցնցումներին, ու մի շարք այլ հիվանդություններին վերաբերող պրեպարատներ:

Պրեպարատներից 4-ը այժմ պաշտոնապես ներդրված են բժշկության մեջ, 6-ը ենթարկվում են կլինիկական փորձարկման միութենական մի քանի տասնյակ կլինիկաներում, մի շարք պրեպարատներ նախնական փորձարկման են ենթարկվում ինստիտուտի ներսում: Ինստիտուտի կողմից ստացված պրեպարատները ցուցադրվել են ԱՄՆ-ում՝ միջազգային ցուցահանդեսում:

Բիոքիմիայի ինստիտուտը հաշվետու ժամանակաշրջանում շարունակել է մշակել գլխուղեղի ֆունկցիոնալ բիոքիմիա պրոբլեմը, հատուկ ուշադրություն դարձնելով դամմա-ամինոկարազաթթվի և ալետիլ-ասպարգինային թթվին, որոնք գլխուղեղի հյուսվածքում գտնվում են ղզալի քանակությամբ: Պարզվել են մի շարք օրինաչափություններ, այդ նյութերի առաջացման և օգտագործման վերաբերյալ՝ գլխուղեղի և այլ օրգանների հյուսվածքներում՝ նրանց դարպացման ղանադան ֆազերում:

Բուսաբանական ինստիտուտը շարունակել է հետազոտել մեր ռեսպուբլիկայի բուսական աշխարհը, ձգտելով երևան բերել կերային նշանակություն ունեցող, կանաչապատման և ծաղկազարդման համար հարկավոր բույսեր: Հետաքրքրական են բույսերի աճեցողությանը և զարգացմանը վերաբերող ուսումնասիրությունները, որոնք պետք է ավելի ու ավելի մոսենան գործնական հարցերի լուծմանը:

Կենդանաբանական ինստիտուտը նշանակալից աշխատանք է կատարել ռեսպուբլիկայի կենդանական աշխարհի ուսումնասիրության ուղղությամբ:

Առանձնապես պետք է նշել հելմինտոզներին վերաբերող ուսումնասիրությունները: Այս ուղղությամբ հետաքրքրական երևույթներ են հայտնաբերվել պարզվել է, որ այս հիվանդության ղեկավարում կենդանական օրգանիզմում խախտվում է սպիտակուցային և ածխաջրածնային փոխանակությունը, ինչպես նաև ծանր մետաղներին (պղնձի և մոլիբդենի աղերի): Այս արդեն հիմք է հանդիսանում հակամիջոցների մշակման համար:

Միկրոբիոլոգիայի ինստիտուտը աշխատելով «Միկրոօրգանիզմների դործունեության կանոնադրման ֆիզիոլոգիական բիոքիմիական հիմունքները» պրոբլեմի ուղղությամբ մի շարք նոր տվյալներ է ստացել, որոնցից պետք է ամենից առաջ հիշատակել ազոտոբակտերի ակտիվատորները, որոնց կիրառումը օպիտակի շրջանում, ճակնդեղի ցանքերում, հանգեցրել է այս կուլտուրայի բերքատվության բարձրացմանը՝ մինչև 39%: Հետաքրքրական է նաև նշել, որ մեր միկրոբիոլոգները ստացել են ֆիզիոլոգիական ակտիվ նյութեր, որոնք ունեն դիրերելինանման հատկություններ:

Ագրոքիմիայի լաբորատորիան «Հայաստանի հողերի գլխավոր տիպերի ագրոքիմիական բնութագրումը» պրոբլեմը հետաքրքիր արդյունքներով ավարտելուց հետո ձևափակել է փակ տարածությունում արհեստական սնուցման պայմաններում բույսեր աճեցնելու գործին: Այս խնդիրները շատ հետաքրքրական են և առելով են կոսմիկական թռիչքների հետ: Առաջին արդյունքները հույս են ներշնչում:

Սեանի հիդրոբիոլոգիական կայանը շարունակել է ուսումնասիրել Սեանի լճի կենդանական և բուսական աշխարհում առկա ունեցող պրոցեսները՝ այս լճի ջուրը իջեցնելու պայմաններում:

Բժշկական գիտությունների բաժանմունքի գծով շարունակվել են աշխատանքները ունեցող միկրոբիայի, ֆիզիոլոգիայի, սրտաբանության և ռադիոբիոլոգիայի բնագավառներում: Սկսվել են աշխատանքներ սրտի վերաբուժության գծով: Ռենտգենոլոգիայի և օնկոլոգիայի ինստիտուտի էքսպերիմենտալ օնկոլոգիայի և ֆիմիոթերապիայի լաբորատորիայում ավարտվեց հակաուռուցքային պրեպարատների մի մեծ խմբի էքսպերիմենտալ ուսումնասիրությունը:

Վերջին տարիների ընթացքում Ֆիզիոլոգիայի ինստիտուտը հարստացել է նոր սարքավորումներով, որը հիմնովին փոխեց ինստիտուտի առջև դրված խնդիրների լուծման նկատմամբ ունեցած նախկին մոտեցումը: Ներկայումս ինստիտուտի կողմից ստացված են արժեքավոր տվյալներ կենտրոնական ներվային համակարգության բարձրագույն բաժինների գործունեության վրա սիմպատո-ադրենալային մեխանիզմի ունեցած ներգործության վերաբերյալ: Ինչպես լաբորատորիայում, այնպես էլ կլինիկայում հետազոտություններ են տարվում մնասված ողնուղեղի ֆունկցիաների վերականգնման համար տարբեր պրեպարատների ազդեցության բացահայտման ուղղությամբ: Ինստիտուտում հաջողությամբ աշխատանքներ են տարվում գլխուղեղի ֆիզիոլոգիայի խնդիրների շուրջը:

Որոշակի հաջողությունների է հասել դոկտատենտական կենդանիների ֆիզիոլոգիայի լաբորատորիան (վարիչ ԲՆ ակադեմիկոս Ս. Կ. Կարապետյան), այստեղ ստեղծվեց հավերի նոր տեսակ, որը այժմ ներդրված է պրակտիկայում:

Անցնելով հասարակական գիտությունների բաժանմունքի աշխատանքներին, բնկեր Մկրտչյանը հատկապես ընդգծում է, որ ՍՄԿՊ XXII համագումարի պատմական որոշումները, պարտիայի նոր Ծրագրի ընդունումը հասարակական գիտությունների զարգացման կարևորագույն խթան հանդիսացան:

Փիլիսոփայության և իրավունքի սեկտորում նշանակալի կերպով լայնացվել է դիտական կոմունիզմի վերաբերող թեմատիկան: Ավարտվել են «Սուրյակտիվ գործունի զերի աճը կոմունիզմի շինարարության ժամանակաշրջանում», «Հասարակական հակասությունների լուծման առանձնահատկություն-

ները և ձևերը կոմունիզմին անցման շրջանում» թեմաները, ինչպես նաև «Տեխնիկա, աշխատանք, կոմունիզմ» թեման, որը բացահայտում է արտադրության ավտոմատացման կապակցությամբ՝ հասարակության սոցիալական փոփոխությունների հարցը: Ավարտվել են մի շարք թեմաներ՝ դիալեկտիկական և պատմական մատերիալիզմի ու հայ փիլիսոփայական մտքի պատմության գծով:

Աշխատանք է տարվել բուրժուական դադափարախոսության քննադատության ուղղությամբ: Ավարտված են լուրջ քաղաքակրթությունների տեսության և ժամանակակից պոզիտիվիզմի քննադատությանը վերաբերող թեմաներ: Հրատարակության են հանձնվել «Մարքս-լենինյան էթիկայի մի քանի հարցեր», «Հայկական Սովետական Սոցիալիստական պետության կազմավորումը և ամրապնդումը», «Արդի արստրակցիոնիզմի հետադիմական էությունը» և այլ աշխատություններ:

Պատմության ինստիտուտի կոլեկտիվի ուղղորդված էր հայ ժողովրդի պատմության բազմահատորյակի ստեղծման վրա, որի գծով մշակվում են 12 թեմաներ: Հրատարակվեց բազմահատորյակի պրոսպեկտը և հունիս ամսին կազմակերպվեց նրա լայն քննարկումը: Ինստիտուտի կողմից հրատարակվել են «Մայիսյան ապստամբությունը Հայաստանում», «Պավլիկյանների շարժման ուսումնասիրման աղբյուրները» գրքերը և Ս. Տ. Նրեմյանի կազմած 9 քարտեզները՝ Հայկական ՍՍՌ Ատլասում: Պատմագիտության մեջ արժեքավոր ներդրում է Հայկական ՍՍՌ ԳԱ ակադեմիկոս Մ. Գ. Ներսիսյանի «Ռուս-հայ հարաբերությունների պատմությունից» աշխատությունը, որը հեղինակի երկրորդ գիրքն է այդ պրոբլեմի շուրջը:

Հնագիտության և աղագրության ինստիտուտը շարունակում էր Կարմիր բլուրի, Արին բերդի, Գառնիի, Դվինի, Լճաշենի, Շենգավիթի և այլ պեղումները: Դաշտային աշխատանքների արդյունքների ամփոփմանը նվիրված՝ բաժանմունքի գիտական սեսիան ցույց տվեց, որ հաշվետու տարվա արշավախմբերի աշխատանքը շատ արդյունավետ է եղել և տվել է բազմաթիվ նոր արժեքավոր նյութեր: Շարունակվում էր նախորդ տարիների ընթացքում ձևեր բերված արժեքավոր նյութերի մշակումը:

Ուսումնասիրվում են Հայաստանի վիճադրական հուշարձանները: Հրատարակված է նրանց դիմանի 2-րդ պրակը, հրատարակության համար պատրաստված են 1-ին և 3-րդ պրակները:

Հրատարակության է պատրաստվել հայ ժողովրդական հերիաթների 4-րդ հատորը, նախապատրաստվում են 5—6-րդ հատորները:

Պատմության թանգարանի կոլեկտիվը լրացրել ու կատարելագործել է հայ ժողովրդի պատմության ցուցահանդեսը: Նախապատրաստվել է հայ ժողովրդի պատմության շրջիկ ցուցահանդեսը: Մշակվել են մի շարք գիտահետազոտական թեմաներ պատմության և աղագրության գծով:

Կազմվել են թանգարանային իրերի գիտական կատալոգներ:

Լեզվագիտության բնագավառում շարունակվում է աշխատանքը ժամանակակից հայերենի ուսումնասիրման ուղղությամբ: Ավարտվել են «Խաղաղազուգիս նախադասությունները արդի հայերենում», «Հայ գրողների լեզվի և ոճի խնդիրները», և մի շարք այլ թեմաներ: Ստեղծվել է ֆունկտիկայի կառուցումը:

Որոշ աշխատանք է կատարված նաև հայոց լեզվի պատմության հարցերի և նրա բարբառների ուսումնասիրման գծով: Պատրաստ են խմբագրության

«Հայոց լեզվի հոմանիշների բառարանը» և «Լեզվագիտական բառարանը»: Բառարանագիտության սեկտորը օգնություն է ցույց տալիս ՀՍՍՌ ԳԱ մի շարք հիմնարկներին՝ հատուկ տերմինաբանական բառարանների ստեղծման գործում:

Երականագիտության բնագավառում շարունակվում է Սովետահայ գրականության հարցերի մշակումը: Այվարտված են «Արդի սովետահայ գրականությունը» նվիրված մի շարք աշխատություններ: Լույս է տեսել «Սովետահայ գրականության պատմության» առաջին հատորը, որը լավ գնահատականի է արժանացել գրական լայն շրջանների կողմից: Պատրաստվում է և շուտով տպագրության կհանձնվի «Սովետահայ գրականության պատմության» երկրորդ հատորը: Հայ նոր գրականության գծով կատարված են մի շարք կարևոր թեմաներ, որոնք կազմում են «Հայ նոր գրականության պատմություն» բազմահատորյակի առանձին գլուխները: Լույս է տեսել «Հայ նոր գրականության պատմության» երկրորդ հատորը: Տպագրվում է ուշուտով լույս կտեսնի առաջին հատորը: Երականության պատմության գիտական հրատարակությունը, դա ինստիտուտի հաշվետու տարվա կարևոր նվաճումն է:

Մշակվում են հայ հին գրականության պատմության, ինչպես նաև հայ գրականության մյուս ժողովրդների գրականությունների հետ ունեցած կապերի հարցերը: Ժողովրդների կուլտուրական կապերի ուսումնասիրությունը ոչ միայն պահպան, այլև քաղաքական կարևոր նշանակություն ունի: Այդ իմաստով արժեքավոր ներդրում է Գ. Հովնանի «Ռուս-հայ գրական կապերը 19—20 դարերում» երկհատոր աշխատությունը:

Երականության ինստիտուտում մեծ աշխատանք է կատարված հայ կլասիկ գրողների երկերի ակադեմիական հրատարակությունների նախապատրաստման ու հրատարակման ուղղությամբ: Պատրաստ են Չարենցի երկերի ժողովածուի 5 հատորը, Ռ. Պատկանյանի երկերի ժողովածուի 2-րդ հատորը, Հ. Պարոնյանի երկերի ժողովածուի 3-րդ հատորը, Հ. Հովհաննիսյանի երկերի 1-ին և 2-րդ հատորները և այլն:

Այվարտվեց Խ. Աբովյանի երկերի 10 հատորյակը, ինչպես և Գ. Սունդուկյանի երկերի 4 հատորյակը:

Ավետագիտության բնագավառում ավարտվել են մի շարք գիտահետազոտական թեմաներ հայ երաժշտության, ճարտարապետության, կերպարվեստի, թատրոնի և կինոյի տեսության և պատմության հարցերի վերաբերյալ:

Որոշ աշխատանք է կատարված կիրառական արվեստի գծով: Գիտահետազոտական աշխատանքի հետ մեկտեղ պատրաստվել են նաև կիրառական արվեստի բազմաթիվ նմուշներ կալից, մետաղից և ասպակուց՝ արտադրության մեջ ներդնելու նպատակով:

Հրատարակվել են մի շարք գրքեր, որոնց թվում՝ «Պետրոս Աղամյան» աշխատությունը:

Գրականության և արվեստի թանգարանի աշխատանքը ընթացել է ֆոնդերի համալրման, գործող ցուցահանդեսների կատարելագործման և նոր ցուցահանդեսների նախապատրաստման ուղղությամբ: Կազմակերպվել ու ցուցադրվել է Լևոնյանյան, Կիրովյան, Հոկտեմբերյան և Ալավերդի քաղաքներում շրջիկ թատերական ցուցահանդես:

Այվարտվել է «Արևմտահայ թատրոնի, պատմության ակնարկ» աշխատության առաջին հատորը, պատրաստվել են թանգարանի ֆոնդերի համառոտ

ուղեցույցի երկու պրակները: Հրատարակվել է «Գրական ժառանգության» 1-ին հատորը:

Արևելագիտության բնագավառում շարունակվում է Մերձավոր և միջին արևելքի երկրների նոր և նորագույն պատմության, տնտեսության և կուլտուրայի հարցերի մշակումը: Արևելագիտության սեկտորի աշխատակիցների ուշադրության կենտրոնում է եղել այդ երկրներում իմպերիալիզմի և գաղութաբարության դեմ մղվող ազգային ազատագրական պայքարի պրոբլեմը:

Այսպիսով են մի շարք թեմաներ նվիրված Թուրքիայի, Իրանի և Արաբական երկրների պատմության, տնտեսության ու կուլտուրայի հարցերին:

Քրդագիտության բնագավառում մշակվել է Իրաքի քրդերի ազատագրական շարժումների թեման, ինչպես և Սովետական Միության մեջ ապրող քրդերի կյանքի և ժողովրդական ստեղծագործության խնդիրները:

Հրատարակվել են «Քրդական ժողովրդական հեթանոսներ»-ի 1-ին հատորը, «Թուրքական աղբյուրները Հայաստանի, հայերի, և Անդրկովկասի այլ ժողովուրդների մասին» ժողովածուի առաջին հատորը:

Տնտեսագիտության ինստիտուտի կոլեկտիվը մշակել է թեմաներ «Հայկական ՍՍՌ տնտեսական զարգացման մի քանի հարցերը ՍՍՌ-ում կոմունիզմի ծավալուն շինարարության ժամանակաշրջանում» և «Հայկական ՍՍՌ ժողովրդական տնտեսության բաղանիսի հարցերը» պրոբլեմների գծով:

Ինստիտուտում մեծ աշխատանք է տարվել ռեսպուբլիկայի գլխավոր հետազոտողի պլանի հանգուցային հարցերի մշակման գործում Պետականին օգնելու ուղղությամբ:

Արտադրության հետ կապը ուժեղացնելու և պլանավորող ու տնտեսական օրգաններին օգնություն ցույց տալու գործում մեծ դեր խաղացին ինստիտուտի կողմից կազմակերպված երկու գիտական սեսիաները: Դրանցից առաջինը, որը անցկացվեց Երևանի Զերժինսկու անվան հաստոցաշինական գործարանում նվիրված էր ներարտադրական ռեզերվների հայտնաբերման ու օգտագործման հարցերին. մյուսը՝ միութենական ռեսպուբլիկաներում ազգային էկամտի հարցերին: Համամիութենական այս կոնֆերանսի աշխատանքներին մասնակցում էին միութենական ռեսպուբլիկաների մի շարք գիտա-հետազոտական կազմակերպությունների, իուհիների, պլանավորող և ֆինանսավորող օրգանների աշխատակիցներ: Այստեղ կազմակերպվեց նաև գիտական սեմինար ժողովրդական սպառման պրոբլեմների ուսումնասիրության մեջ միջակազմական և մաթեմատիկական մեթոդների կիրառման հարցերի վերաբերյալ:

Հաշվետու տարում Ակադեմիայի մի շարք հիմնարկներում հրավիրվեցին գիտական խորհրդակցություններ և կոնֆերանսներ, որոնց մասնակցեցին ոչ միայն ռեսպուբլիկայի, այլև Սովետական Միության գրեթե բոլոր առաջատար հիմնարկները:

Էլ ավելի ընդլայնվեցին Ակադեմիայի գիտական կապերը արտասահմանյան երկրների գիտական հիմնարկների հետ:

Հաշվետու տարում արտասահմանյան 10 երկրներ են գործուղվել Ակադեմիայի 28 գիտական աշխատակիցներ, այդ թվում՝ 20-ը մեկնել են ԱՄՆ, Անգլիա, Ֆրանսիա, Իտալիա, Ճապոնիա և 8-ը՝ Նիդրլանդների ժողովրդական դեմոկրատիայի երկրներ:

Ակադեմիայի պրեզիդենտ, ակադեմիկոս Վ. Հ. Համբարձումյանը որպես Սովետական պատվիրակության ղեկավար, որի կազմի մեջ մեր Ակադեմիայից

մտնում էին Բյուրականի աստղադիտարանի և Ռադիոֆիզիկայի և Լիեկտրոնիկայի ինստիտուտի մի խումբ աշխատակիցներ մեկնել է ԱՄՆ՝ Միջազգային աստղադիտական միության (ՄԱՄ) 11-րդ համագումարի աշխատանքներին մասնակցելու համար։ ՄԱՄ-ի ընդհանուր ժողովում և սիմպոզիումներում Վ. Հ. Համբարձումյանը հանդես է եկել «Ոչ կայուն երևույթները գալակտիկաների սիստեմներում» և «ԼԲի քանի դիտողությունների կուտակումների էվոլյուցիայի հարցի մասին» զեկուցումներով։ Զեկուցումներով ու հաղորդումներով հանդես են եկել նաև Աստղադիտարանի աշխատակիցներ ֆիզիկա-մաթեմատիկական գիտությունների թեկնածուներ՝ Բ. Ե. Մարգարյանը, Կ. Ա. Գրիգորյանը, Ռ. Ա. Սահակյանը և է. Ե. Խաչիկյանը՝ ցույց տալով աստղագիտության յաղմակողմանի դարգացումը Հայաստանում։

1961 թ. սեպտեմբերին ակադեմիկոս Վ. Հ. Համբարձումյանը, որպես Միջազգային աստղագիտական միության պրեզիդենտ, մասնակցել է Լոնդոնում տեղի ունեցած Միջազգային գիտական միությունների ասոցիացիայի կոնգրեսի աշխատանքներին։

Բիոֆիզիկայի ինստիտուտի մի խումբ աշխատակիցներ՝ ինստիտուտի դիրեկտոր ԳԱ ակադեմիկոս Հ. Խ. Բունյաթյանի գլխավորությամբ մասնակցել են Մոսկվայում կայացած բիոֆիզիկոսների միջազգային 5-րդ կոնգրեսի աշխատանքներին, Ակադեմիկոս Հ. Խ. Բունյաթյանը և Բիոֆիզիկայի ինստիտուտի մի խումբ աշխատակիցներ կոնգրեսի սեկցիաներում հանդես են եկել իրենց հետազոտությունների արդյունքները ամփոփող հետաքրքիր զեկուցումներով։

Ֆիզիկայի ինստիտուտի աշխատակիցներ՝ Խ. Պ. Բաբայանը, Տ. Լ. Ասաթիանին և Գ. Ա. Մարիկյանը, որպես գիտական-տուրիստներ, մասնակցել են կոսմիկական ճառագայթներին նվիրված Ճապոնիայում տեղի ունեցած միջազգային կոնֆերանսի աշխատանքներին։ Խ. Պ. Բաբայանը հանդես է եկել «Լեռների բարձունքներում թեթև ատոմային միջուկներով բարձր էներգիայի մասնիկների փոխազդեցության ուսումնասիրությանը», իսկ Տ. Լ. Ասաթիանին «Կոսմիկական ճառագայթման N-մեզոնների բեռումը» զեկուցումով։

ՀՍՍՌ Գիտությունների ակադեմիայի վիցե-պրեզիդենտ, ակադեմիկոս Ա. Ռ. Հովհաննիսյանը գիտական գործուղմամբ եղել է Փարիզում, կատարել գիտա-հետազոտական աշխատանքներ, հետաքրքրական կապեր հաստատել ֆրանսիական ականավոր գիտնականների հետ։

Ժողովրդական դեմոկրատիայի երկրներ գործուղված մեր գիտնականները հնարավորություն են ունեցել յուրացնել եղբայրական երկրների գիտական փորձը, հարստացնել իրենց գիտելիքները, ինչպես նաև նրանց հաղորդել իրենց գիտական հետազոտությունների արդյունքները։

Լեհական ժողովրդական ռեսպուբլիկա գործուղված ԳԱ ակադեմիկոս Ն. Խ. Հարությունյանը մասնակցել է անհամասեռ մարմինների առաձգականության ու ճկունության տեսությանը նվիրված կոնֆերանսին, որտեղ հանդես է եկել «Սողքի տեսության մի կոնտակտային խնդիր՝ շփման ուժի հաշվառումով» զեկուցումով։ Ակադեմիկոս Ա. Լ. Մնջոյանը Զեխուսովակիայի սոցիալիստական ռեսպուբլիկայում ծանոթացել է ֆիզիոլոգիայի և ակտիվ պրեպարատների սինթեզի, ինչպես նաև նրանց կազմության, հատկությունների և ազդեցության մեխանիզմի բնագավառում տեղի ֆիզիկոսների նորագույն նվաճումների հետ։ Ակադեմիայի թղթակից-անդամ Մ. Զ. Սիմոնովը մասնակցել է Պրեզդենում կայացած թաղանթների կառուցման հավաքովի մեթոդներին նվիր-

ված միջազգային կոնֆերանսին և հանդես է եկել թեթև լատոնների տեխնոլոգիայի և նրանցից պատրաստվող իրերի բնագավառում Հայկական ՍՍՌ հաջողություններն արտացոլող զեկուցումով: Արվեստի ինստիտուտի ղեկավար Ռ. Վ. Զարյանը գործուղվել է Ռումինիա՝ «Հայաստանի արվեստի պատմության ուրվագծերը» թեմայի համար նյութեր հավաքելու նպատակով և մեծ աշխատանք է կատարել հայ-ռումինական պատմական կապերին վերաբերող արխիվային նյութերի և ձևագրերի ուսումնասիրության ուղղությամբ:

Ի կատարումն ՍՍՌԿ-ի և արտասահմանյան երկրների միջև գիտատեխնիկական համագործակցության վերաբերյալ համաձայնագրերի, Հայկական ՍՍՌ Գիտությունների ակադեմիայի հիմնարկները բնորոշել և գիտության տարրեր բնագավառներում կատարվող գիտահետազոտական աշխատանքների հետ ծանոթացրել են արտասահմանյան 30 գիտնականի ու մասնագետի, որոնցից 19-ը եղել են ժողովրդական զեմոկրատիայի, իսկ 11-ը կապիտալիստական երկրներից. այդ թվում՝ ԱՄՆ-ից, Անգլիայից, Ճապոնիայից, Շվեդիայից, Ինդոնեզիայից, Արգենտինայից, Լիբանանից, Ավստրալիայից:

Միջազգային գիտական կապերի հետագա ընդլայնում է տեղի ունեցել նաև նյութերի, գրականության և աշխատությունների փոխանակման գծով:

Սրանք են ահա Ակադեմիայի աշխատանքներում եղած հիմնական հաջողությունները, — ասում է ակադեմիկոս ընկ. Մկրտչյանը: Նրանք անշուշտ կլինեն ավելի շատ եթե Ակադեմիայի նախագահության, բաժանմունքների և գիտահետազոտական հիմնարկների գործունեության մեջ տեղ գտած չլինեին մի շարք էական թերություններ:

Գիտական հետազոտությունների հաջող կազմակերպումը և նպատակասլացությունը կարևոր գործոններ են խոշոր նվաճումների համար: Սակայն այդ տեսակետից Ակադեմիայի հիմնարկներում ղեկավարություն ունեն լուրջ թերություններ: Հիմնարկի գիտական կոլեկտիվը ոչ միշտ է, որ կենտրոնացնում է իր ուժերը կարևորագույն խնդիրների համառոտ մշակման և լուծման վրա: Ստացվում է այնպես, որ գիտական թեմատիկան կազմվում է ոչ ըստ գիտության պահանջի այլ առանձին գիտաշխատողների շահերից ելնելով: Այդ բերում է բազմաթեմատիկություն, գիտական ուժերի և միջոցների ցրում: Բացակայում է կոմպլեքսային աշխատանքը կարևորագույն պրոբլեմների լուծման գործում, ինչպես հիմնարկի ներսում, այնպես էլ տարրեր ինստիտուտների միջև: Այդ պատճառով Ակադեմիայի որոշ հիմնարկներ ղեկավարում են իրենց ուրույն գիտական զեմբր: Որպես օրինակ կարելի է բերել Ռադիոֆիզիկայի սեկտորը, որի թեմատիկ պլանում թեմաների թիվը գերազանցում էր գիտաշխատողների թվին: Մինչև հաշվառու տարվա կեսերը նույն վիճակն էր ապրում նաև Արտարանության և սրտի վիրաբուժության ինստիտուտը:

Այս կամ այն չափով նման երևույթ տեղի ունի նաև մի շարք այլ հիմնարկներում՝ Արևելագիտության սեկտորում, Միկրոբիոլոգիայի, Օրգանական քիմիայի, Գենդանարանության և այլ ինստիտուտներում:

Պետք է նշել և այն, որ Ակադեմիայի հիմնարկների կապը արտադրության հետ ղեկավար հեռու է բախարար լինելուց: Հիմնարկները պետք է իրենց ուշադրության կենտրոնում պահեն ժողովրդատնտեսական կարևոր նշանակություն ունեցող խնդիրները: Այդ ուղղությամբ ղեկավար թույլ է հասնում նախագահության աշխատանքը:

Քիչ չեն այն դեպքերը, երբ թեմաների կատարումը ձգձգվում է և նույն թեման տարրեր անվան տակ տարեցտարի տեղ է գտնում հիմնադրների թեմատիկ պլանների մեջ: Այդ հատկապես նկատվում է Հասարակական գիտությունների բաժանմունքի հիմնարկներում:

Դիտական աշխատանքների զարգացման համար շատ կարևոր նշանակություն ունեն հանրային հարցերին նվիրված գիտությունների կազմակերպումը, մի հարց, որը ղեկավարում է մեծ գիտական հիմնարկների տեսադաշտից:

Անհրաժեշտ ենք համարում նշել, որ այդ տեսակետից թերի է աշխատանքը Ակադեմիայի պարբերական հրատարակություններում:

Որպես բացասական կողմ հարկ է կանգ առնել և այն բանի վրա, որ գիտաշխատողների մի մասը ղեկավար չի ուսումնասիրում արտասահմանյան գրականությունը՝ կապված իր մասնագիտության հետ, չնայած որ նախադասությունը տարեցտարի մեծ գումարներ է ծախսում օտար լեզուների ուսումնասիրման համար:

Գիտահետազոտական աշխատանքների հաջող կատարումը կապված է անշուշտ համապատասխան կադրերի պայման և նրանց պատրաստման հետ, հատկապես գիտության նոր ուղղությունների դեմ:

Այժմ գիտությունը գտնվում է իր զարգացման մի այնպիսի փուլում, երբ տվյալ պրոբլեմի բազմակողմանի մշակումը և լուծումը պահանջում է տարբեր մասնագետների համատեղ գործունեություն:

Նախադասությունը հնարավորություն է տալիս բոլոր հիմնարկներին յուրաքանչյուր տարի համալրելու գիտաշխատողների թիվը որակյալ կադրերով, մասնագետներով, հատկապես այնպիսի գիտությունների դեմ ինչպիսիք են ֆիզիկան, քիմիան, մաթեմատիկան և էլեկտրոնիկան, կիրառական և այլն, որոնց նշանակությունը գնալով մեծանում է ոչ միայն բուն այդ գիտությունների զարգացման համար, այլև կենսաբանության, բժշկության և այլ գիտությունների ասպարեզում:

Այստեղից պարզ է, թե որքան մեծ պետք է լինի Ակադեմիայի հիմնարկների աշխատանքը այդ դեմ, հատկապես ասպիրանտների միջոցով՝ կադրերի համալրման ու պատրաստման ուղղությամբ, որը սակայն ղեկ չի գտնվել պահանջվող բարձրության վրա:

Որպես թերություն մենք էլ այն, որ մի կողմից միշտ չէ, որ ասպիրանտուրա են ընդունվում լիարժեք թեկնածուներ, մի կողմից լավ չի կազմակերպվում ասպիրանտների աշխատանքը, որոնց պատճառով ասպիրանտների մեծագույն մասը ժամանակին չի ավարտում գիտատարի թեման: Այսպես, 1961 թ. ասպիրանտուրան ավարտած 31 հոգուց և ոչ մեկը չպաշտպանեց գիտատարի:

Լուրջ պրոբլեմ է հանդիսանում այն, որ առհասարակ երիտասարդ կադրերի հասունացումը բնթանում է զանգաղ տեմպերով:

Այդ ցայտուն կերպով երևում է ստորև բերված թվերից:

Ակադեմիայի 1147 գիտաշխատողներից միայն 68-ը ունեն գոյություն ունեցող և նրանց միջին հասակը համապար է 51-տարեկանի, թղթակիցանդամների միջին հասակը կազմում է 57, իսկ ակադեմիկոսներինը՝ 61:

Ակադեմիայի նախադասությունը հաշտվել է այն միջակի հետ, երբ շատ պաշտոններ, որոնք պետք է զբաղեցվեն գիտությունների գոյությունների կողմից, զբաղվելով են թեկնածուների կողմից: Այսպես, գիտահետազոտական հիմ-

նարկների 34 դիրեկտորներից և տեկտորների ու լաբորատորիաների 79 վարիչներից գոկտորներ են միայն 40-ը:

Եթե հաշվի առնենք, որ յուրաքանչյուր տարի ստեղծվում են գիտական նոր հիմնարկներ, բացվում նոր լաբորատորիաներ և բաժիններ, ապա պաշտկզանա այն խզումը, որը գնալով ալելի է առաջանում գոկտորների պատաստմա ն տեմպի և եզած պահանջների միջև:

Ծիշտ է՝ գիտա-հետազոտական հիմնարկների ղեկավար կազմը հիմնականում կոմպլեկտավորված է բարձրորակ կադրերով, բայց և այնպես որոշ օղակներում նրանց թարմացումը նոր, երիտասարդ ուժերի առաջ քաշումը, անշուշտ, կունենա բարձր ազդեցություն:

Զղալիորեն բարելավվել է Ակադեմիայի հրատարակչական գործունեությունը: Բարձրացել է գրքերի հրատարակման կուլտուրան, նրանց որակը, թեմատիկան դարձել ալելի նպատակասլաց: Մեծ հետաքրքրություն ներկայացնող աշխատություններ են հրատարակվել ֆիզիկա-մաթեմատիկական, տեխնիկական, կենսաբանական, բժշկական և հասարակական գիտությունների գծով: Լույս են տեսել մի շարք կարևոր մենագրություններ: Բայց հրատարակչական գործունեության մեջ դեռևս կան լուրջ թերություններ: Հրատարակչական սղանը կատարվել է անուններով 96,1 տոկոս, մամուլներով 99,2 տոկոս, տպաքանակով 93 տոկոսով:

Զեկուցողը վերջում բնղգծում է, որ առաջիկա տարում նոր, ալելի կարևոր խնդիրներ են գրվելու Գիտությունների ակադեմիայի հիմնարկների առջև: ՍՄԿՊ XXII համագումարի որոշումների լույսի տակ վերանայված են Ակադեմիայի գիտա-հետազոտական աշխատանքների սղանները, որոնք ալելի են մոտեցված ռեսպուբլիկայի ժողովրդական տնտեսությանը և նրա առջև գրված կոնկրետ խնդիրներին: Այս բոլորը պահանջում են ուժերի նոր լարում և ալելի քրտնաջան աշխատանք:

Ակադեմիայի ողջ կոլեկտիվը կլարի իր ամբողջ ուժերը, ՍՄԿՊ XXII համագումարի կողմից առաջադրված խնդիրները մինչև վերջ և բարձր մակարդակով կատարելու համար: